

STATUT

I SHOQERISE ME PERGJEGJESI TE KUFIZUAR "4 A-M"SH.P.K.

KAPITULLI - I

DISPOZITA TË PËRGJITHSHME

Neni 1

Emërtimi

1.1 Emërtimi i shoqërisë është "4 A-M"SH.P.K. Ky emërtim është i vetmi i shoqërisë dhe përdoret në të gjithë rregjistrimet, transaksionet, marrveshjet dhe komunikimet e saj me të tretët apo shtetin dhe është i vlefshëm si jashtë dhe brenda vendit.

1.2 Shoqëria "4 A-M" SH.P.K., është shoqëri me përgjegjësi të kufizuar.

1.3 Shoqëria ka vulën e saj identifikuese.

1.4 Vula e shoqërisë mund të ndryshojë vetëm me vendimin e asamblese se përgjithshme.

Neni 2

Ortakët

2.1 Është ortakë i shoqërisë në kushtet dhe me të dhënat e mëposhtme:

1. - **Zoti Ardit Metaliaj** me shtetesi dhe kombesi shqiptare i cili zotëron 100% të kuotave të shoqërisë, me banim në Tiranë, lindur në Tropojë datë 06.08.1986, me ID nr.034732738, madhor me aftesi të plotë ligjore për të vepruar.

Neni 3

Objekti i shoqërisë

3.1 Objekti i shoqërisë në përputhje me legjislacionin aktual tregtar shqiptar do të jetë:
Punime elektrike, tregtim me shumice e pakice të materialeve elektrike, import eksportin e tyre, prodhim dhe tregtim betoni dhe inerte, tregtim me shumice dhe me pakice, import-eksport të artikujve të ndryshëm industrial, ushqimorë, elektroshtepiake, konfeksione, kozmetike.

Tregtim dhe shitje produktesh artizanati, kimike, tekstile, artikuj plastike. Tregtim produktesh të gatshme me shumice e pakice, etj. Në fushën e ndërtimit, të ndërtimeve civile, industriale, turistike, bujqesore, mbi 2 kate dhe kompletimi me instalimet e nevojshme për to. Në fushën e projektimit dhe zbatimit duke përfshirë por pa u kufizuar i veprave urbane, civile, industriale, arkitekturorë, rrugore dhe hekurudhore, urave dhe



veprave te artit, si dhe punime inxhinierike topografike dhe hidrologjike, inxhinierike te impianteve te prodhimit dhe transmetimit te energjise etj.

Ofrimin e rrjeteve dhe sherbimeve te komunikimeve elektronike. Permiroshim dhe shfrytezim te pyjeve. Transportkombetar dhe nderkombetar per mallra te ndryshem dhe/ose udhetare per te trete dhe me qira. Transport i karburanteve. Sherbime pastrimi dhe mirembajtjeje te ambienteve te brendshme dhe te jashtme, industriale dhe civile, publike dhe private, reklamave e totemeve te ambienteve spitalore, qendrave shendetesore, qendrave tregtare, hoteleve, zyrove, universiteteve, marketeve, bankave, bar - restoranteve, porteve, aeroporteve, terminaleve, rruge etj. Tregtim (Shitje -Blerje), furnizim, importim me shumice e pakice te detergjenteve, produkteve, materialeve, pajisjeve, mjeteve, aksesoreve, makinerive te pastrimit. Sherbime dhe mirembajtje gjelberimi dhe te mjediseve te gjelberta.

Transport, grumbullim dhe evadim te mbetjeve urbane, pastrim i hapësirave te qyteteve, fshatrave etj, dhe trajtimi e riciklimi i mbetjeve. Transport me mjete jashte norme. Riparimi dhe mirembajtja e pjeseve mekanike dhe te motorit, te mjeteve rrugore me motor dhe rimorkiove. Riparimi dhe mirembajtja e karrocise, te mjeteve rrugore me motor dhe rimorkiove. Riparimi dhe mirembajtja e impiantit elektrik, te mjeteve rrugore me motor dhe rimorkiove. Riparimi dhe mirembajtja e gomave, te mjeteve rrugore me motor dhe rimorkiove. Blerja, shitja e mjeteve me motor dhe rimorkio.

Mbledhja, depozitimi, shkaterrimi i mjeteve ose pjeseve te tyre te dala te perdorimit apo te braktisura. Prodhim, shfrytezim, perpunim, tregtim, transport i gurit gëlqeror.

Prodhime materiale ndertimi: prodhim materiale inerte, qeramike, tulla tjegulle, fajence, gres, prodhim elementesh te parafabrikuara, betoni, beton-arme. Punimet e montimit dhe teknologjike, montimi dhe instalimi i impianteve termike te ventilimit dhe kondicionimit te ajrit etj. Prodhim pllakash betoni per trotuare dhe rruge. Prodhim bordura betoni per trotuare dhe rruge.

Neni 4

Selia e shoqërisë dhe Zyrat e përfaqesimit

4.1 Selia e shoqërisë është në Tiranë, në adresën: Rruga Artan Lenja Pallati i 4 A-M, Apartamenti A1, kati i I-re Tiranë.

4.2 Veprimtaria e shoqërisë në tërë territorin e Republikës së Shqipërisë mund të kryhet nga degët e saj, të cilat do të funksionojnë në rrethe apo ndarje të tjera administrative të Republikës së Shqipërisë nën drejtimin e Drejtorisë.

4.3 Shoqëria mund të çele degë dhe zyra përfaqesimi të reja jashtë territorit të Republikës së Shqipërisë. Ato hapen dhe prishen me vendim të të Asamblesë së Përgjithshme të saj.

4.4 Asambleja e Përgjithshme mbikëqyrë zbatimin e politikave tregtare të administratoreve të shoqërisë, organizon punën, përcakton mënyrën e funksionimit dhe emëron organet drejtuese dhe përfaqësuesit e tyre ligjor.

Neni 5



Kohëzgjatja e shoqërisë

5.1 Kohëzgjatja e shoqërisë “4 A-M” SH.P.K. është pa afat.

5.2 Kohëzgjatja e shoqërisë mund të ndryshohet në çdo kohë me vendim të Asmblesë së Përgjithshme të Ortakëve me të njëjtin kuorum që përcakton ligji tregtar për ndryshimin e statutit.

5.3 Shoqëria mund të priset gjyqësisht përpara këtij afati në rastet kur humbet kuptimi moral dhe ligjor i egzistencës së saj apo kur parashikohet shprehimisht në ligj, nëpërmjet kërkesës së çdo aksioneri drejtuar gjykatës.

5.4 Shoqëria mund të priset edhe në rastin e humbjes së aktivitetit të pasurisë së saj deri në një vlerë sa gjysma e kapitalit aksionar. Në këtë rast zbatohen dispozitat të ligjit Nr. 9901 date 14.04.2008 “Per tregtaret dhe shoqerite tregtare”.

KAPITULLI - II

KAPITALI , KUOTAT DHE KALIMI I KUOTAVE

Neni 6 Kapitali

6.1. Kapitali aksionar i shoqërisë është 288.864.000(dyqintetetedhjetetetemiljonetete-qintegjashtedhjetekatermijelekë) lekë dhe përbëhet nga 1 kuote me vlerë nominale 288.864.000(dyqintetetedhjetetetemiljonetete-qintegjashtedhjetekatermijelekë).

6.2. Numërtimi i kuotave ka vlerë indikative dhe nuk shërben për të treguar përparësinë në shlyerje, tjetërsim apo në likuidim.

6.3. Pronësia mbi kapitalin të shoqërisë është si më poshtë:

100% e kapitalit që përbëhet nga 1 kuota me vlerë nominale 288.864.000(dyqintetetedhjetetetemiljonetete-qintegjashtedhjetekatermijelekë).

➤ zotërohen nga ortakut i vetem Z.Ardit Metaliaj.

Neni 7

Depozitimi i kapitalit

Kapitali i shoqërisë është shlyer plotësisht nga ortakut në përpjestim me pjesën takuese në kapital.

Neni 8

Ndryshimi i kapitalit

8.1. Kapitali i shoqërisë mund të zmadhohet apo të zvoglohet vetëm me vendim të Ortakut të Vetem, deri sa shoqëria të jetë një ortakësh, si dhe me Vendim të Asamblesë së Përgjithshme kur shoqëria është me shumë se një ortak. Në çdo rast, ndryshimi i kapitalit të shoqërisë duhet të jetë i arsyetuar dhe i shoqëruar me relacionin e Ekspertit Kontabël të shoqërisë.

8.2. Ortakut ka të drejtën e përparësisë për nënshkrimin e kuotave të shlyeshme në para që emetohen për zmadhimin e kapitalit. Kjo e drejtë është në përpjestim me shumën e kuotës të zotëruar nga ortakut përpara zmadhimit të kapitalit.



8.3. Ortaku mund të heqë dorë vetëm individualisht nga e drejta për nënshkrimin e kuotave të reja. Ai, gjithashtu, ka të drejtë të kërkojë nënshkrimin e një numri me të vogël kuotash nga sa i takon sipas parimit të përpjestueshmërisë, por me kusht që Asambleja të ketë vendosur shprehimisht për këtë gjë.

8.4. Procedurat për ndryshimin e kapitalit të shoqërisë duhet të fillojnë brenda tre muajsh nga dita e marrjes së vendimit sipas rastit, të Ortakut të vetëm si dhe të Asamblese së Përgjithshme, përndryshe janë të pavlefshme.

Neni 9

Mënyrat e shtimit të kapitalit

9.1. Shtimi i kapitalit të shoqërisë bëhet në një nga mënyrat e mëposhtme:

a) me emetimin e kuotave të reja, duke shtuar numrin e kuotave që përbëjnë kapitalin të shoqërisë pa ndryshuar vlerën nominale të kuotes.

b) me rritjen e vlerës nominale të çdo kuote pa ndryshuar numrin e përgjithshëm të tyre.

9.2. Kompetente për caktimin e mënyrës së shtimit të kapitalit është, Vendimi i ortakut të vetë, ose Asambleja e Përgjithshme, pasi merr në shqyrtim relacionin e Ekspertit Kontabël.

9.3. Kuotat e reja shlyhen me para në dorë, me kompesim të një kredie të kërkueshme të shprehur në para, me përfshirje të rezervave, fitimeve apo primeve, apo me kontribut në natyrë.

9.4. Ortaku i cili shlyen kuotat e reja në një formë tjetër nga shlyerja me para në dorë, duhet ta japë miratimin e tij me shkrim.

9.5. Zmadhimi i kapitalit nëpërmjet rritjes së vlerës nominale të kuotave bëhet vetëm me pëlqimin unanimit të ortakëve.

Neni 10

Mënyrat e fitimit dhe kalimit të kuotave

10.1. Kuotat e kapitalit të shoqërisë dhe të drejtat që rrjedhin prej tyre mund të fitohen apo kalohen nëpërmjet:

a) kontributit në kapitalin e shoqërisë,

b) shitblerjes,

c) trashëgimise,

d) dhurimit,

e) çdo mënyrë tjetër të parashikuar në ligj.

10.2. Në rastin e kalimit të kuotave me kontratë, kontrata duhet të bëhet me shkrim.

10.3. Kalimi i kuotave bëhet me miratimin e asamblese së përgjithshme të ortakëve, me të drejtën e parablerjes në favor të shoqërisë, apo të ortakëve të tjerë.

Neni 11

Pasojat e kalimit të kuotave



11.1. Personi që kalon kuoten dhe ai që e fiton atë përgjigjen në mënyrë solidare ndaj shoqërisë për detyrimet që rrjedhin nga zotërimi i kuotes, nga casti i kalimit të kuotave, deri në castin e regjistrimit të kalimit sipas kërkesave të të përcaktuara në pikën 11.2. të këtij neni.

11.2. Shoqëria regjistron kalimin e kuotes sipas kërkesave të ligjit të Qendres Kombëtare të Biznesit.

Neni 12

Te drejtat e lidhura me kuotat

12.1. Ortaku, që pengohet të ushtroje të drejtat që rrjedhin nga zotërimi i kuotes së shoqërisë, ka të drejtë t'i kërkojë gjykatës të urdherojë ndalimin e cenimit apo shpërblimin e demit të shkaktuar.

Kjo e drejtë parashkruhet brenda 3 vjeteve nga casti i cenimit.

KAPITULLI III – ORGANET E SHOQËRISË ASAMBLEJA E PËRGJITHSHME

Neni 13

Te drejtat dhe detyrimet

13.1. Asambleja e Përgjithshme është përgjegjëse për marrjen e vendimeve për shoqërinë për çështjet e mëposhtme:

- a) përcaktimin e politikave tregtare të shoqërisë;
- b) ndryshimin e statutit;
- c) emërimin e shkarkimin e administratoreve;
- d) emerimin e shkarkimin e likuiduesve dhe të eksperteve kontabël të autorizuar;
- dh) përcaktimin e shpërblimeve për personat e përmendur në shkronjat "c" dhe "d" të kësaj pike;
- e) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
- f) miratimin e pasqyrave financiare vjetore dhe të raporteve të ecurisë të veprimtarisë;
- g) zmadhimin dhe zvogëlimin e kapitalit;
- gj) pjesëtimin e kuotave dhe anulimin e tyre;
- h) përfaqësimin e shoqërisë në gjykate dhe në procedimet e tjera ndaj administratoreve;
- i) riorganizimin dhe prishjen e shoqërisë;
- j) miratimin e rregullave procedurale të mbledhjeve të asamblese;
- k) çeshtje të parashikuara nga ligji dhe ky statut.



13.2. Asambleja e Pergjithshme merr vendime per ceshtjet e përcaktuara ne shkronjen “f” dhe “g” te pikes 1 te këtij neni, pas marrjes dhe shqyrtimit te dokumentave perkatese.

13.3. Kur shoqëria eshte me nje ortak, te drejtat dhe detyrimet e asamblese se pergjithshme ushtrohen nga ortaku i vetem. Te gjitha vendimet e marra nga ortaku i vetem regjistrohen ne regjistrin e vendimeve. Do te regjistrohen ne veçanti, por pa u kufizuar ne to, vendimet per:

- a) miratimin e pasqyrave financiare vjetore dhe te raporteve te ecurise se veprimtarise;
- b) shpërndarjen e fitimeve vjetore dhe mbulimin e humbjeve;
- c) investime;
- d) vendimet per riorganizimin dhe prishjen e shoqerise.

Neni 14

Mbledhja e asamblese se pergjithshme

14.1. Asambleja e Pergjithshme mblidhet ne rastet e përcaktuara nga ky ligj, nga ligje te tjera ose nga depozitat e përcaktuara ne kete statut dhe sa here qe mbledhja eshte e nevojshme per te mbrojtur interesat e shoqerise. Mbledhja e zakonshme e asamblese se pergjithshme thirret te pakten nje here ne vit.

14.2. Asambleja e Pergjithshme thirret nga administratoret apo ortaket e përcaktuar sipas nenit 16 te këtij statuti.

14.3. Asambleja e Pergjithshme thirret kur shoqëria propozon te shese apo te disponoje ne menyre tjeter aktive, te cilat kane nje vlere me te larte se 5 perqind te aseteve te shoqerise, qe rezulton ne pasqyrat e fundit financiare te certifikuara.

Neni 15

Menyra e Thirrjes

15.1. Asambleja e Pergjithshme thirret nepermjet nje njoftimi me shkrese ose, nese parashikohet nga ky statut, me njoftim nepermejt postes elektronike. Njoftimi me shkrese apo me mesazh elektronik duhet te permbaje vendin, daten, oren e mbledhjes dhe rendin e dites e t’u dergohet te gjithe ortakeve, jo me vone se 7 dite përpara dates se parashikuar per mbledhjen e asamblese.

15.2. Kur asambleja e pergjithshme nuk thirret sipas pikes 1 te këtij neni, ajo mund te marre vendime te vlefshme vetem nese te gjithe ortaket jane dakort, per te marre vendime, pavarësisht parregullsise.

Neni 16

Kerkesa nga ortaket e pakices



16.1.Ortakët që përfaqësojnë të paktën 5 për qind të totalit të votave në asamblenë e përgjithshme të shoqërisë, mund t'i drejtojnë administratorëve një kërkesë me shkrim, përfshi postën elektronike, për të thirrur asamblenë e përgjithshme dhe/ose përfshirjen e ceshtjeve të posaçme në rendin e ditës.Kërkesa duhet të përmbajë arsyet, objektivat dhe ceshtjet, për të cilat asambleja duhet të marrë një vendim. Nëse kërkesa refuzohet, këta ortakë kanë të drejtë të thërrasin asamblenë dhe të caktojnë ceshtjet e rendit të ditës, duke bërë njoftimin me shkresë ku duhet të përmbajë vendin, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parshikuar për mbledhjen e asamblese.

16.2.Nëse, në kundërshtim me pikën 16.1 të këtij neni, asambleja e përgjithshme nuk thirret, ose ceshtja e kërkuar prej këtyre nuk futet në rendin e ditës, secili prej ortakëve, që kanë bërë kërkesën, kanë të drejtë:

a) të ngrejne padi në gjykatë, për të deklaruar shkeljen e detyrimit të besnikërisë, nëse administratorët nuk përmbushin kërkesat e ortakëve brenda 15 ditëve;

b) t'i kërkojë shoqërisë blerjen e kuotave, të zotëruara prej tyre.

16.3.Në rastet kur rendi i ditës ndryshohet, sipas parashikimeve të pikave 16.1. e 16.2 të këtij neni dhe thirrja i është njoftuar ortakëve, administratorët njoftojnë perseri rendin e ditës, të ndryshuar duke bërë njoftimin me shkresë ku duhet të përmbajë vendin, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parshikuar për mbledhjen e asamblese.

16.4.Përfaqësuesi i autorizuar është i detyruar të deklarojë çdo fakt apo rrethane, të tilla që sipas gjykimit të ortakut të përfaqësuar, rrezikon të ndikojë në vendimmarrjen e përfaqësuesit për interesa të tjera të ndryshëm nga ata të ortakut të përfaqësuar.

Neni 17

Perfaqësimi në asamble

17.1.Ortakët mund të përfaqësohen në asamblenë e përgjithshme, në bazë të një autorizimi nga një ortak tjetër apo nga një person i tretë.

17.2.Administratorët e shoqërisë nuk mund të veprojnë si përfaqësues të ortakëve në asamblenë e përgjithshme.

17.3.Autorizimi jepet në formë shkresore vetëm për një mbledhje të asamblese së përgjithshme, dhe është i vlefshëm edhe për mbledhjet vijuese me të njëjtin rend dite.

Neni 18

Kuorumi

18.1 Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30 për qind të kuotave. Në rastin kur asambleja e përgjithshme duhet të vendosë për ceshtje, të cilat kërkojnë shumicë të kualifikuar sipas nenit 19 të këtij statuti, ajo mund të marrë vendime të vlefshme vetëm nëse ortakët zotërojnë më shumë se gjysmën e numrit total të votave janë të pranishëm personalisht, votojnë me shkresë, apo mjete elektronike.



18.2. Nëse asambleja e përgjithshme nuk mund të mbledhet për shkak të mungesës së kuorumit të përmendur në pikën 1 të këtij neni, asambleja mbledhet perseri jo më vonë se 30 ditë, me të njëjtin rend dite.

Neni 19

Marrja e Vendimeve

19.1. Asambleja e përgjithshme vendos me tri të katërtat e votave të ortakeve pjesëmarrës, sic përcaktohet në pikën 1 të nenit 15, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë. Ortakët kanë të drejtë të ushtrojnë të gjitha të drejtat që kanë në shoqëri sipas ligjit dhe Statutit personalisht apo nëpërmjet përfaqësuesve të tyre.

19.2. Kur përfaqësimi është i përcaktuar në statut ai është i vlefshëm në vazhdimësi dhe mund të ndryshohet në të njëjtat kushte të kërkuara për ndryshimin e Statutit. Ndryshimi i përfaqësimit statutor duhet të depozitohet në Rregjistrin Tregtar për efekt vlefshmërie.

Neni 20

E drejta e votës

20.1. Çdo kuote i jep zotëruesit të tij të drejtën e një vote. Ortakët shprehin me votën e tyre vetëm një qëndrim për të gjithë kuotat që zotërojnë. Totali i kuotave që zotëron një ortak nuk mund të ndahet për efekt votimi në pjesë.

20.2. Ortaket që nuk janë të pranishëm, ju parashikohet mundësia e pjesëmarrjes në mbledhje të asamblese së përgjithshme me mjete të ndryshme komunikimi, përfshirë mjetet elektronike, me kusht që të garantohet identifikimi i ortakeve.

20.3. Ortaket kanë të drejtë të marrin unanimisht çdo vendim, me kusht që kjo marrëveshje të bëhet me shkrim.

Neni 21

Perjashtimi nga e drejta e votës

21.1. Ortaku nuk mund të ushtrojë të drejtën e votes nëse asambleja e përgjithshme merr vendim për:

- a) vlerësimin e veprimtarisë së tij;
- b) shuarjen e ndonjë detyrimi në ngarkim të tij;
- c) ngritjen e një padie ndaj tij nga shoqëria;
- d) dhënien ose jo të përfitimeve të reja.

21.2. Kur ortaku përfaqësohet nga një përfaqësues i autorizuar, i autorizuari vlerësohet të jete në të njëjtin konflikt interesi, ashtu si dhe ortaku, të cilin përfaqëson.

Neni 22

Procesverbalet e mbledhjes së asamblesë



22.1. Te gjitha vendimet e asamblese se përgjithshme duhet te regjistrohen ne procesverbal. Administratoret pergjigjen per ruajtjen e kopjove te procesverbaleve te asamblese se përgjithshme.

22.2. Procesverbali duhet te permbaje daten e vendin e mbledhjes, rendin e dites, emrin e kryetarit e te mbajtësit te procesverbalit, rezultatet e votimit.

22.3. Procesverbalit i bashkelidhet edhe lista e pjesemarresve, si edhe akti i thirrjes se asamblese se përgjithshme.

22.4. Procesverbali i mbledhjes nënshkruhet nga kryetari dhe nga mbajtësi i procesverbalit.

22.5. Nese shoqëria ka publikuar nje faqe ne internet, administratoret, jo me vone se 15 dite nga data e mbledhjes, jane te detyruar te publikojne kopjo te procesverbalit te mbledhjes se asamblese se përgjithshme ne kete faqe.

Neni 23

Hetime të posaçme

23.1. Asambleja e përgjithshme mund te vendose nisjen e nje hetimi te posacem per parregullsite pergjate veprimeve te ushtrimit te veprimtarise tregtare. Hetimi kryhet nga nje ekspert i pavarur i fushes.

23.2. Ortaket qe perfaqesojne te pakten 5 perqind te totalit te votave te asamblese se shoqerise, mund ti kerkoje asamblese se përgjithshme emërimin e nje eksperti te pavarur te fushes, kur ka dyshime te bazuara per shkelje te ligjit ose te statutit. Ortaket ose kreditoret e shoqerise te përcaktuar me siper, brenda 30 diteve pas refuzimit nga asambleja per emërimin e ekspertit te pavarur, mund ti kerkojne gjykates emërimin e këtij eksperti. Nese asambleja e përgjithshme nuk merr vendim brenda 60 diteve nga data e paraqitjes se kerkeses, kërkesa e ortakeve vlerësohet e refuzuar.

23.3 Kur asambleja e përgjithshme ka emruar nje ekspert te fushes per kryerjen e hetimit te posacem dhe kur per kete emrim ka dyshime te bazuara per te besuar se eksperti mund te mos realizoje hetimin e posacem ne menyren e duhur, ortaket ose kreditoret e përmendur ne piken 23.2 te këtij neni mund ti kerkojne gjykates zevendesimin e tij.

23.4. Kur gjykata pranon kërkesat e përmendura ne pikat 23.2 e 23.3 te këtij neni, shoqëria tregtare përballon kostot e emerimit dhe te shpërblimit te ekspertit te emeruar per kryerjen e hetimit te posacem.

23.5. E drejta per te kërkuar hetim te posacem, sipas pikave 23.1 e 23.2 te këtij neni, duhet te ushtrohet brenda 3 vjeteve nga data e veprimit, qe konsiderohet i parregullt, kur hetimi ka si objekt parregullsite e ushtrimit te veprimtarise tregtare.

23.6. Kreditori, qe ne keqbesim paraqet nje kerkese, sipas pikes 23.2 te këtij neni, pergjigjet ne përputhje me nenin 34 te Kodit te Procedures Civile.

Neni 24

Shfuqizimi i vendimeve të parregullta dhe dëmshpërblimi

24.1. Asambleja e përgjithshme, në bazë të një vendimi të marrë me shumicën e përcaktuar sipas pikës 2, neni 87, të Ligjit nr. 9901, date 14.04.2008 "Per tregtare e shoqerite tregtare", ka të drejtë të ngrëjë padi përpara gjykatës kompetente për



shfuqizimin e vendimeve të administratorëve, si pasojë e shkeljes së rëndë të ligjit ose të statutit dhe/ose padi të tjera që parashikon ky ligj ose statuti ndaj administratorëve apo ortakëve.

24.2. Ortakët, të cilët përfaqësojnë të paktën 5 për qind të totalit të votave në asamblenë e shoqërisë ose një vlerë më të vogël, të parashikuar në statut, dhe/ose kreditorët e shoqërisë, të cilët pretendojnë se shoqëria ka ndaj tyre detyrime në një vlerë jo më të vogël se 5 për qind të kapitalit, mund t'i kërkojnë asamblesë së përgjithshme ngritjen e padisë për shfuqizimin e vendimeve të administratorëve. Ortakët apo kreditorët e shoqërisë së përcaktuar më sipër, brenda 30 ditëve pas refuzimit nga asambleja për ngritjen e padisë, kanë të drejtë të ngrenë drejtpërdrejt, përpara gjykatës kompetente, padi në emër të shoqërisë, për shfuqizimin e vendimit të administratorëve. Nëse asambleja e përgjithshme nuk merr një vendim, brenda 60 ditëve nga data e kërkesës, kërkesa e ortakëve apo kreditorëve të përcaktuar më sipër vlerësohet e refuzuar.”

24.3. Në rastet kur shoqëria ngre padi si me siper, ajo merr pjese në gjykim me ane të një perfaqësuesi të posacem, të caktuar nga asambleja e përgjithshme.

24.4. Ortaket e përmendur në pikën 24.2 të këtij neni mund të kërkojnë gjykatës zevendesimine perfaqësuesit të posacem, kur ka dyshime të bazuara se perfaqësuesi i emeruar nga asambleja e përgjithshme mund të mos ngreje e ndjeke padine në interesin me të mirë të shoqërisë. Nëse gjykata e pranon këtë kerkese, kostot e emerimit dhe të shpërblymit të perfaqësuesit përballohen nga shoqëria.

24.5. Gjykata vendos shpalljen e pavlefshmerise se vendimeve të administratorëve, nëse këta nuk merren vesh, me pajtim, me perfaqësuesin e posacem për korrigjimin e pasojave të vendimit, brenda 30 ditëve nga data e emerimit të këtij perfaqësuesi. Te drejtat e paleve të treta mbeten të pacenuara, në përputhje me pikën 3 të nenit 12 të Ligjit nr. 9901, datë 14.04.2008“Për tregtare e shoqërite tregtare”.

ADMINISTRATORET

Neni 25

Emerimi, shkarkimi, të drejtat dhe detyrimet

25.1. Asambleja e përgjithshme emerion një ose me shumë persona fizike si administratorë të shoqërisë. Afati i emërimit, i cili caktohet në statut, nuk mund të jete më i gjatë se 5 vjet, me të drejte ripërteritjeje. “Emërimi i administratorëve, i cili hyn në fuqi në datën e përcaktuar sipas aktit të emërimit, u kundrejtohet palëve të treta sipas përcaktimeve të nenit 12 të Ligjit nr. 9901, datë 14.04.2008“Për tregtare e shoqërite tregtare”.

25.2. Administratorët e një shoqërie tregtare merrin, sipas përcaktimit të nenit 207 të Ligjit nr. 9901, datë 14.04.2008“Për tregtare e shoqërite tregtare”, nuk mund të emerohen si administratorë të një shoqërie të kontrolluar e anasjelltas.

25.3. Administratorët kanë të drejte e detyrohen të:

- a) kryejnë të gjitha veprimet e administrimit të veprimtarisë tregtare të shoqërisë, duke zbatuar politikën tregtare, të vendosura në asambletë e përgjithshme;
- b) përfaqësojnë shoqërinë tregtare;



- c) kujdesen për mbajtjen e sakte e të rregullt të dokumentave dhe të librave kontabël të shoqërisë;
- d) përgatisin dhe nënshkruajnë bilancin vejtör, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
- e) krijojnë një sistem paralajmërimi në kohën e duhur për rrethanat, që kercenojnë mbarëvajtjen e veprimtarisë dhe ekzistencën e shoqërisë;
- f) kryejnë regjistrimet dhe dergojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
- g) raportojnë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçante për veprimtarinë e shoqërisë tregtare;
- gj) të lidh kontrata, e të kryejnë veprime të ndryshme bankare brenda limitit që i lejon Ortaku i vetëm ose Asambleja e përgjithshme;
- h) kryejnë detyra të tjera të përcaktuara në ligj dhe në këto statuta;
- i) të lidh kontratat e punës me të punësuarit në përputhje me dispozitat ligjore në fuqi.
- 25.4. Në rastet e parashikuara nga pikat 14.3 e nenit 14 të këtij statuti, administratorët janë të detyruar të thërrasin asamblesë e përgjithshme.
- 25.5. Nëse asambleja e përgjithshme emeron me shumë se një administrator, ata e administrojnë bashkërisht shoqërinë.
- 25.6. Asambleja e përgjithshme mund të shkarkojë administratorin në çdo kohë me shumicë të zakonshme.
- 25.7. Administratorët kanë të drejtë të leshojnë prokurë për të kryer veprime në përputhje me kërkesat e Kodit Civil në RSH, dhe të Ligjit nr. 9901, datë 14.04.2008 "Për tregtare e shoqëritë tregtare".
- 25.8. Administratori i shoqërisë është Z. Ardit Metaliaj, me një afat prej 5-vjet.
- 25.9. Administratori mund të heqë dorë në çdo kohë nga detyra e tij, nëpërmjet një njoftimi me shkrim drejtuar asamblesë së përgjithshme. Administratori, që jep dorëheqjen, duke pasur parasysh rrethanat e veprimtarisë së shoqërisë, është gjithashtu i detyruar të thërrasë asamblesë e përgjithshme për emërimin e administratorit të ri, përpara datës në të cilën dorëheqja të hyjë në fuqi.
- 25.10. Nëse asambleja e përgjithshme nuk vendos emërimin e administratorit të ri në datën e përcaktuar në thirrjen e kryer nga administratori i dorëhequr, atëherë administratori i njofton me shkrim dorëheqjen Qendrës Kombëtare të Regjistrimit, së bashku me kopjen e thirrjes së mbledhjes së asamblesë së përgjithshme dhe Qendra Kombëtare e Regjistrimit regjistron largimin e administratorit, sipas procedurave të ligjit nr. 9723, datë 3.5.2007, "Për Qendrën Kombëtare të Regjistrimit", të ndryshuar.
- 25.11. Dorëheqja e administratorit nuk cenon paditë e shoqërisë për shkelje të detyrimit të besnikërisë që administratori ka ndaj saj, sipas këtij ligji."

Neni 26 Përfaqësimi

26.1. Kufizimet e tagrave të përfaqësimit të administratorëve i kundërtohen paleve të treta, në përputhje me dispozitat e nenit 12 të Ligjit nr. 9901, datë 14.04.2008 "Për tregtare e shoqëritë tregtare".



26.2. Administratoret, që përfaqësojnë bashkarisht shoqërinë tregtare, mund të autorizojnë disa prej tyre për kryerjen e disa veprimeve të caktuara apo për kryerjen e disa kategorive të caktuara veprimesh. Njoftimet e drejtuara secilit prej administratoreve janë të vlefshme e detyruese për shoqërinë.

26.3. Tagrat e perfaqesimit të administratoreve dhe çdo ndryshim i tyre njoftohen për regjistrim pranë Qendres Kombëtare të Biznesit.

Neni 27

Përgjegjësia e Administratorit

27.1. Administratori është i detyruar të ruajë sekretet e Shoqërisë për të cilat vihet në dijeni gjatë ushtrimit të detyrës.

27.2. Kur nga veprimet apo mosveprimet e tij në mospërputhje me ligjin apo me këtë Statut i shkaktohet një dëm material apo moral Shoqërisë, ai përgjigjet civilisht për dëmin e shkaktuar në mënyrë të pakufizuar.

Neni 28

Shpërblimi i Administratorit

28.1. Shpërblimit baze të administratoreve mund ti behen shtesa, që mund të jenë në përqindje në fitim ose të ngjashëm. Shpërblimet e administratoreve përcaktohen me vendim të zakonshëm të asamblese së përgjithshme.

28.2. Shpërblimi, sipas pikës 28.1 të këtij neni, duhet të jetë i pershtatshëm dhe në përputhje me detyrat e administratoreve dhe gjendjen financiare të shoqërisë.

28.3. Nëse shoqëria është në veshtiresi financiare, asambleja e përgjithshme mund të vendosë reduktimin e shpërblimit të administratoreve në masë të përshtatshme.

28.4. Kriteret e shpërblimit, shpërblimi individual dhe efekti vjetor i shpërblimit të administratoreve në strukturën e kostove të shoqërisë tregtare publikohen së bashku me pasqyrat financiare vjetore.

Neni 29

Kontrolli financiar i Asamblesë

29.1. Administratori i paraqet organit vendim-marrës, si ortakut të vetëm ose Asamblesë së përgjithshme llogaritë vjetore dhe kur është rasti llogaritë e konsoliduara.

29.2. Ekspertët kontabël parqesin përpara organit vendim-marrës, ortakut të vetëm ose Asamblesë së përgjithshme kryerjen e detyrave të tyre të ngarkuara sipas ligjit.

29.3. Organi vendim-marrës, ortakut i vetëm ose Asambleja e përgjithshme shqyrton dhe vendos për të gjitha çështjet financiare të vitit të kaluar.

Neni 30

Përfaqësimi tek të tretët

30.1. Administratori përfaqëson shoqërinë në marrdhëniet me të tretët.



30.2. Ankesat apo kërkesat që i drejtohen shoqërisë nga të tretët janë të vlefshme kur i komunikohen Administratori.

30.3. Administratori mund të delegojë një apo disa kompetenca të tij tek anëtarët e administratës së shoqërisë.

Neni 31

Ndalimi i huadhënies

Administratoret ndalohen të kontraktojnë në cilëndo formë për të marrë hua nga shoqëria, të japin nëpërmjet saj paradhënie, si dhe të bëhen dorëzanës apo të garantojnë nëpërmjet saj detyrimet e të tretëve.

KAPITULLI IV - EKSPERTI KONTABËL, VITI FINANCIAR.

Neni 32

Ekspertët Kontabël

32.1. Shoqëria duhet të ketë të paktën një Ekspert Kontabël të përhershëm. Eksperti Kontabël caktohet me vendim të Asamblesë së Përgjithshme të shoqërisë dhe duhet të plotësojë kushtet e nevojshme ligjore për të qenë i tillë.

32.2. Ekspertët emërohen për një vit financiar. Funkcionet e tyre përfundojnë pas mbledhjes së Asamblesë së përgjithshme, e cila merr vendim mbi pasqyrat financiare vjetore.

32.3. Çdo ortak ka të drejtë që në rastet kur shoqëria mbetet pa Ekspert Kontabël apo ligji kërkon emërimin e një eksperti tjetër dhe ky detyrim nuk është plotësuar nga Asambleja, t'i kërkojë gjyaktës caktimin e një Eksperti Kontabël të regjistruar në rrugë gjyqësore.

32.4. Eksperti apo Ekspertët Kontabël të shoqërisë thirren në mbledhjen e Drejtorisë e cila mbyll llogaritë e vitit financiar si dhe në të gjitha mbledhjet e Asamblesë së përgjithshme.

32.5. Eksperti Kontabël i shoqërisë është i detyruar të ruajë sekretet për të cilat vihet në dijeni gjatë ushtrimit të profesionit dhe është përgjegjës për dëmet që i shkakton shoqërisë nga veprimet apo mosveprimet me faj të tij.

Neni 33

Detyrat e ekspertit kontabël

33.1. Eksperti kontabël i regjistruar garanton rregullshmërinë e pasqyrave financiare vjetore dhe të gjendjes financiare të shoqërisë, verifikon librat e llogarisë dhe fondet e shoqërisë, kontrollojnë përshtatjen e kontabilitetit me legjislacionin në fuqi dhe siguron që të jetë respektuar barazia midis ortakëve, si dhe çdo detyrë tjetër që rrjedh shprehimisht nga ligji tregtar shqiptar apo i ngarkohet me vendim të Asamblesë.

33.2. Eksperti ushtron kompetencat e tij dhe mban përgjegjësi që rrjedhin nga kryerja e detyrës në përputhje me dispozitat e këtij statuti dhe ligjit tregtar shqiptar.



Neni 34
Të drejtat e ekspertit

Eksperti përveç sa i njihet nga ligji për ushtrimin e detyrës ka të drejtë që:

- a) Në mbarim të afatit të funksioneve kur është propozuar shkarkimi i tij, të dëgjohet nga Mbledhja e Asamblesë së përgjithshme.
- b) Të marrë pjesë në mbledhjet e Drejtorisë e cila mbyll logaritë e vitit të kaluar financiar
- c) Si rast përjashtimor, Eksperti Kontabël i përhershëm ka të drejtë që për çështje në të cilat është drejtpërdrejtë përgjegjës t'i kërkojë të thërrasë mbledhjen e Asamblesë. Se përgjithshme është i detyruar që brenda 10 ditëve të fillojë procedurat e thirrjes.

Neni 35
Shpërblimi i Ekspertëve Kontabël

Shpërblimi i Ekspertëve Kontabël caktohet nga Asambleja me bazë vjetore apo për çdo shërbim, parashikohet si shpenzim i veçantë dhe përballohet nga shoqëria.

Neni 36
Ushtrimi i vitit financiar

Ushtrimi financiar fillon më 1 janar dhe mbaron më 31 dhjetor të çdo viti. Përjashtimisht ushtrimi i parë financiar përfshin kohën nga data e regjistrimit në Qendrën Kombëtare të Biznesit gjer më 31 dhjetor.

Neni 37
Inventari dhe Pasqyrat Financiare Vjetore

- 37.1. Shoqëria do të mbajë një kontabilitet të rregullt të pasurisë dhe të veprimtarisë së saj, në pajtim me kërkesat ligjore.
- 37.2. Në mbyllje të ushtrimit, drejtori harton inventarin e pasurisë në këtë datë dhe pasqyrat financiare vjetore për ushtrimin financiar në përputhje me dispozitat ligjore në fuqi për kontabilitetin.

Neni 38
Raportet Vjetore

- 38.1. Në mbylljen e çdo viti financiar Drejtimi përveç inventareve dhe llogarive vjetore harton një raport me shkrim për Asamblene e Ortakeve.
- 38.2. Bilancit i bashkëngjiten një situacion mbi garancitë e dhëna nga shoqëria dhe një situacion mbi sigurimet e bëra nga shoqëria.
- 38.3. Raporti pasqyron gjendjen e shoqërisë gjatë vitit financiar të kaluar, ndryshimet e parshikuara, veprimtaritë e rëndësishme, etj.
- 38.4. Një kopje e këtij raporti i jepet Ekspertit Kontabël për miratim.



Neni 39
Rezultatet e ushtrimit dhe caktimi i fitimeve

39.1. Rezultati i ushtrimit përcaktohet si diferencë ndërmjet të ardhurave dhe shpenzimeve të ushtrimit, duke përfshirë të këto të fundit amortizimet dhe provizionet.

39.2. Shuma e fitimeve të mbetura pas heqjeve për krijimin e rezervave përfaqëson dividendin, i cili mund të shpërndahet, ose do të kalojë për investim në shoqëri në formën e zmadhimit të kapitalit.

39.3. Duke përjashtuar rastin kur është vendosur zvogëlimi i kapitalit, nga fitimet e ushtrimit nuk behët asnjë heqje dhe asnjë derdhje dividenti, në qoftë se kapitalet e veta janë ose do të beheshin më të vogla se shuma e kapitalit themeltar plus shumën minimale të kërkuar për rezervën e domosdoshme.

39.4. Në qoftë se ekziston një humbje, kjo mbartet për t'u përfshirë në fitimet e ushtrimit të ardhshme deri në shuarjen e saj.

Neni 40
Rezerva e domosdoshme dhe e nevojshme

40.1. Nga fitimi i rezervuar gjatë vitit financiar pasi zbriten humbjet e vitit të mëparshëm, në rast se ka, hiqet mënjandë një shumë e barabartë me 1/20 e fitimit e destinuar për formimin e fondit rezervë të quajtur "rezervë e domosdoshme".

40.2. Heqja nga fitimet për rezervën e domosdoshme pushon së qeni e detyrueshme kur kjo rezervë arrin 1/10 e kapitalit themeltar. Ajo rifillon kur për një arsye çfarëdo, rezerva e domosdoshme ka zbritur nën 1/10 e kapitalit.

40.3. Nga fitimet e ushtrimit të pakësuar, shoqëria do të heqë jo më shumë se 85% për krijimin e rezervave për zhvillim apo të tjera rezerva të nevojshme .

Neni 41
Fitimi që shpërndahet

Koha, mënyra dhe shuma e fitimit që shpërndahen vendoset rast pas rasti nga Asambleja e Aksionerëve sipas raportit të Drejtimit dhe Ekspertit Kontabël në përputhje me këtë Statut, ligjin tregtar dhe gjendjen financiare të shoqërisë.

KAPITULLI V – PRISHJA E SHOQËRISE
PRISHJA E SHOQËRISE

Neni 42
Shkaqet e prishjes së shoqërisë

1. Shoqëria me përgjegjësi të kufizuar prishet:

a) kur mbaron kohëzgjatja, për të cilën është themeluar;

b) me përfundimin e procedurave të falimentimit apo në rast të pamjaftueshmërisë së pasurive për të mbuluar shpenzimet e procedurës së falimentimit;



- c) në rast se objekti bëhet i perealizueshëm për shkak të mosfunktionimit të vazhduar të organeve të shoqërisë apo për shkaqe të tjera që e bëjnë absolutisht të pamundur vazhdimin e veprimtarisë tregtare;
- ç) në rastet e pavlefshmërisë së themelimit të shoqërisë, të parashikuara nga neni 3/1 i këtij ligj;
- d) në raste të tjera, të parashikuara në statut;
- dh) në raste të tjera, të parashikuara me ligj;
- e) për çdo shkak tjetër të vendosur nga asambleja e ortakëve.

2. Prishja e shoqërisë, si pasojë e një apo më shumë prej shkaqeve të përcaktuara në shkronjat “a”, “c”, “d”, “dh” dhe “e”, të pikës 1, të këtij neni, vendoset nga asambleja e ortakëve me shumicën e parashikuar sipas pikës 1, të nenit 87, të këtij ligji.

3. Në rast mosveprimi të asamblesë së ortakëve për të vendosur prishjen, për shkaqet e përcaktuara në shkronjat “a”, “c”, “d”, dhe “dh”, të pikës 1, të këtij neni, çdo person i interesuar mund, në çdo kohë, t’i drejtohet gjykatës për të konstatuar prishjen e shoqërisë.

4. Pavarësisht nga parashikimet e sipërpërmendura, ekzistenca e një a më shumë shkaqeve, të parashikuara nga shkronjat “a”, “c”, “d”, “dh” dhe “e”, të pikës 1, të këtij neni, nuk do të ketë si pasojë prishjen e shoqërisë dhe hapjen e procedurave të likuidimit, nëse përpara vendimit gjyqësor të formës së prerë, të përmendur në pikën 3, të këtij neni, shkak i prishjes është korrigjuar, nëse është e mundshme të korrigjohet, dhe ky korrigjim është publikuar nga shoqëria në regjistrin tregtar, sipas parashikimeve të ligjit nr. 9723, datë 3.5.2007, “Për Qendrën Kombëtare të Regjistrimit”, të ndryshuar.

5. Prishja e shoqërisë, si pasojë e shkaqeve të parashikuara në shkronjën “b”, të pikës 1, të këtij neni, vendoset nga gjykata kompetente për procedurat e falimentimit, kur, në përfundim të këtyre procedurave, të gjitha pasuritë e shoqërisë janë likuiduar për shlyerjen në mënyrë kolektive të detyrimeve ndaj kreditorëve apo kur gjykata kompetente për procedurat e falimentimit vendos rrëzimin e kërkesës për hapjen e procedurës së falimentimit për shkak të pamjaftueshmërisë së pasurisë së shoqërisë për të mbuluar shpenzimet e procedurës së falimentimit.

6. Prishja e shoqërisë si pasojë e shkaqeve të parashikuara në shkronjën “ç”, të pikës 1, të këtij neni, vendoset nga gjykata kompetente, sipas parashikimeve të nenit 3/1 të këtij ligji.”.

Neni 43 Regjistrimi i shpërbërjes

Administratoret regjistrojnë prishjen e shoqërisë pranë Qendres Kombëtare të Regjistrimit, në përputhje me nenin 43 të ligjit nr.9723, datë 03.05.2007 “Për Qendrën Kombëtare të Regjistrimit”. Nëse prishja e shoqërisë bëhet me vendim gjykate, gjykata, në përputhje me nenin 45 të ligjit të sipërcituar, ia njofton vendimin Qendres Kombëtare të Biznesit për regjistrim”.

Neni 44 Dispozita të fundit



44.1. Për të gjitha çështjet që nuk gjejnë rregullim në këtë Statut, aplikohen dispozitat e ligjit nr. 9901 dt. 14.04.2008 “Për tregtarët dhe shoqëritë tregtare” i ndryshuar .

44.2. Për efekt të interpretimit të këtij Statuti me ligj tregtar nënkuptohet ligji nr. 9901 dt. 14.04.2008 “Për tregtarët dhe shoqëritë tregtare” i ndryshuar .

44.3. Pavlefshmeritë e dispozitave të veçanta të Statutit nuk çënojnë vlefshmërinë e tij.

Neni 45 **Gjykata kompetente**

Gjykata kompetente për zgjidhjen e të gjitha mosmarrveshjeve midis ortakëve dhe interpretimin e statutit të shoqërisë është Gjykata e Rrethit Gjyqësor Tiranë.

Neni 46 **Hyrja në fuqi**

Ky Statut hyn në fuqi dhe është i detyrueshëm për zbatim në momentin e firmosjes nga ortaku, sot më dt. 12.10.2022.

Vula e shoqërisë mund të ndryshojë vetëm me vendimin e asamblese së ortakëve.

Hartuar në Tiranë më 12.10.2022

Në katër kopje.

Nenshkruar

